



世界書局印行

景印
藻堂

四庫全書薈要

史部
第八冊
正史類





本册目次

書名及撰人

卷次

頁次

後漢書一百二十卷目錄一卷 宋范蔚宗撰 唐李賢注
梁劉昭補志並注

卷四十七至卷八十六

九四一

欽定四庫全書薈要

史部
後漢書卷四十八

詳校官內閣侍讀孫球

欽定四庫全書薈要卷三千八百八十二 史部

後漢書卷四十七

宋 宣 城 太 守 范 曄 撰

唐 章 懷 太 子 賢 注

馬 岑 賈 列 傳 第 七

馮異傳

馮異字公孫潁川父城人也 父城縣名故城在今許州葉縣東北汝州郟城縣亦

有父好讀書通左氏春秋孫子兵法 孫子名武善用兵吳王闔廬之將也

欽定四庫全書 後漢書卷四十七

作兵法十三篇見史記 漢兵起異以郡掾監五縣與父城長苗萌

共城守為王莽拒漢光武畧地潁川攻父城不下屯兵

巾車鄉 巾車鄉名在父城界 異間出行屬縣 間出猶微行 為漢兵

所執時異從兄孝及同郡丁綝呂晏 東觀記曰綝字幼春定陵人伉健有

武畧 綝音世心反 並從光武因共薦異得召見異曰異一夫之

用不足為彊弱有老母在城中願歸據五城以効功報

德光武曰善異歸謂苗萌曰今諸將皆壯士屈起多暴

橫獨有劉將軍所到不虜掠觀其言語舉止非庸人也

可以歸身苗萌曰死生同命敬從子計光武南還宛更

始諸將攻父城者前後十餘輩異堅守不下及光武為

司隸校尉道經父城異等即開門奉牛酒迎光武署異

為主簿苗萌為從事異因薦邑子鉅期音姚叔壽段建左

隆等東觀記及續漢書段並作殷字光武皆以為掾史從至洛陽更始

數欲遣光武徇河北諸將皆以為不可是時左丞相曹

竟子詡為尚書竟字子期山陽人後死於赤眉之難見前書詡音虛羽反父子用事

異勸光武厚結納之及度河北詡有力焉自伯升之敗

欽定四庫全書

後漢書
卷四十七

三

光武不敢顯其悲戚每獨居輒不御酒肉枕席有涕泣

處異獨叩頭寬譬哀情光武止之曰卿勿妄言異復因

間進說曰天下同苦王氏思漢久矣今更始諸將從橫

暴虐從音子用反橫音胡孟反所至虜掠百姓失望無所依戴今公

專命方面施行恩德夫有桀紂之亂乃見湯武之功人

久饑渴易為充飽猶言凋殘之後易流德澤宜急分遣官屬循行郡

縣理冤結布惠澤光武納之至邯鄲遣異與鉅期乘傳

撫循屬縣錄囚徒存鰥寡亡命自詣者除其罪陰條二

千石長吏同心及不附者上之及王郎起光武自薊東

南馳晨夜草舍舍止息也至饒陽無萋亭無萋亭名在今饒陽縣東北萋音力

于時天寒烈眾皆饑疲異上豆粥明旦光武謂諸將曰

昨得公孫豆粥饑寒俱解及至南宮南宮縣名屬信都國今冀州縣也

遇大風雨光武引車入道傍空舍異抱薪鄧禹爇火音熱

而悅光武對竈燎衣燎炙也異復進麥飯芻肩因復度虜

沱河至信都光武紀云度虜沱河至下博城西見白衣老父曰信都去此八十里耳是自此而南

此傳先言至南宮後言度虜沱河南宮在虜沱河南百

有餘里又似自南而北紀傳兩文全相乖背迹其地理

後漢書
卷四十七

三

紀是傳非諸家之書使異別收河間兵還拜偏將軍從

破王郎封應侯應國名周武王子所封也杜預注異為春秋曰應國在襄城成父縣西南

人謙退不伐行與諸將相逢輒引車避道東觀記續漢書云異勅吏

士非交戰受敵常行諸營之後相逢進止皆有表識言

引車避之由是無爭道變關者也

進退有軍中號為整齊每所止舍諸將並坐論功異常

獨屏樹下軍中號曰大樹將軍及破邯鄲乃更部分諸

將各有配隸隸屬也袁山松曰先時諸將同營吏卒多犯法軍士皆言願屬大

樹將軍光武以此多之多重也別擊破鐵脰於北平北平縣名

屬中山國故城在
今易州永樂縣也
人降匈奴于林關頓王匈奴王號山陽公載記曰

頓字作確前音確因從平河北時更始遣舞陰王李軾

廩丘王田立大司馬朱鮪白虎公陳僑東觀記僑字作矯將兵

號三十萬與河南太守武勃共守洛陽光武將北徇燕

趙以魏郡河內獨不逢兵而城邑完全倉廩實乃拜寇

恂為河內太守異為孟津將軍孟地名古統二郡軍河

上與恂合執以拒朱鮪等異乃遺李軾書曰愚聞明鏡

所以照形往事所以知今孔子家語曰孔子觀周明堂四門之墉有堯舜桀紂之象

欽定四庫全書

後漢書
卷四十七

謂從者曰明鏡所以知今昔微子去殷而入周項伯畔楚而

歸漢史記曰微子名微紂之庶兄周武王伐紂微子乃持祭器肉袒而縛造于軍門武王乃釋其縛復其

位項伯名纏項籍之季父素善張良高祖因良與伯

結婚項籍謀害漢王伯以身翊蔽之籍誅乃歸漢也周

勃迎代王而黜少帝霍光尊孝宣而廢昌邑少帝孝惠後宮之子

名弘惠帝崩周勃以弘非惠帝之子乃黜之迎立代王昭帝崩無嗣霍光乃迎立武帝孫昌邑王賀賀無道光廢之而彼皆畏天知命覩存亡之符見廢興之事故能

成功於一時垂業於萬世也苟令長安尚可扶助延期

歲月疏不問親遠不踰近季文豈能居一隅哉長安謂更始季

季李軾字言軾與更始疏遠獨居一隅理難支久欲其早圖去就今長安壞亂赤眉臨

郊王侯構難大臣乖離綱紀已絕時更始大臣張印申居建隗等以赤眉

入關謀劫更始歸南陽是大臣乖離也四方分崩異姓並起是故蕭王跋

涉霜雪經營河北方今英俊雲集百姓風靡雖邠岐慕

周不足以喻史記曰古公亶父修后稷之業積德行義國人皆戴之戎翟攻之不忍戰其人乃與

其私屬去邠止於岐下邠人舉國扶老攜弱盡復歸古公於岐山之下季文誠能覺悟成

敗亟定大計論功古人亟急也古人即謂微子項伯等轉禍為福在此

時矣如猛將長驅嚴兵圍城雖有悔恨亦無及已初軾

欽定四庫全書

後漢書
卷四十七

與光武首結謀約加相親愛及更始立反共陷伯升雖

知長安已危欲降又不自安乃報異書曰軾本與蕭王

首謀造漢結死生之約同榮枯之計今軾守洛陽將軍

鎮孟津俱據機軸機弩牙也軸車軸也皆在物之要故取諭焉千載一會思

成斷金易曰二人同心其利斷金唯深達蕭王願進愚策以佐國安

人軾自通書之後不復與異爭鋒故異因此得北攻天

井關拔上黨兩城天井關在太行山下解見章紀又南下河南成皋以

東十三縣及諸屯聚皆平之降者十餘萬武勃將萬餘

人攻諸畔者異引軍度河與勃戰於士鄉下續漢書曰士鄉亭名

屬河南郡大破斬勃獲首五千餘級軼又閉門不救異見其

信效具以奏聞光武故宣露軼書東觀記曰上報異曰軼多詐不信人不能

得其要領令朱鮪知之鮪怒遂使人刺殺軼由是城中

乖離多有降者鮪乃遣討難將軍蘇茂將數萬人攻溫

鮪自將數萬人攻平陰以綴異平陰縣名屬河南郡綴謂連綴也異遣

校尉護軍將軍將兵劉放曰案異為孟津將軍軍有護軍爾云護軍將軍非也緣下有

將軍二字明衍與寇恂合擊茂破之異因度河擊鮪鮪走

欽定四庫全書 後漢書 卷四十七 六

異追至洛陽環城一市而歸移檄上狀諸將皆入賀并

勸光武即帝位光武乃召異詣鄩問四方動靜異曰三

王反畔更始敗亡三王謂張卬為淮陽王廖湛為穰王胡殷為隨王更始欲殺卬等遂勒兵

掠東西市入戰於宮中更始大敗天下無主宗廟之憂在於大王宜從

衆議上為社稷下為百姓光武曰我昨夜夢乘赤龍上

天覺悟心中動悸異因下席再拜賀曰此天命發於精

神周易乾卦九五曰飛龍在天大人造也莊神子曰其夢也神交故言天命發於精神心中動悸

大王重慎之性也異遂與諸將定議上尊號建武二年

春定封異陽夏侯夏音賈引擊陽翟賊劉放曰案文少一軍字他傳中言

引軍者甚多嚴終趙根破之詔異歸家上冢使太中大夫齋

牛酒續漢志曰太中大夫秩千石掌顧問論議屬光祿令二百里內太守都尉

已下及宗族會焉時赤眉延岑暴亂三輔郡縣大姓各

擁兵衆大司徒鄧禹不能定乃遣異代禹討之車駕送

至河南賜以乘輿七尺具劍具謂以寶玉裝飾之東觀記作玉具劍勅異

曰三輔遭王莽更始之亂重以赤眉延岑之酷元元塗

炭無所依訴今之征伐非必畧地屠城要在平定安集

欽定四庫全書 後漢書 卷四十七 七

之耳諸將非不健鬪然好虜掠卿本能御史士念自脩

勅無為郡縣所苦異頓首受命引而西所至皆布威信

弘農羣盜稱將軍者十餘輩皆率衆降異東觀記曰龜池霍郎陝主

長湖濁惠華陰陽沈等稱將軍者皆降異與赤眉遇於華陰相拒六十餘

日戰數十合降其將劉始王宣等東觀記宣作重五千餘人三

年春遣使者即拜異為征西大將軍會鄧禹率車騎將

軍鄧弘等引歸與異相遇禹弘要異共攻赤眉異曰異

與賊相拒且數十日雖屢獲雄將餘衆尚多可稍以恩

信傾誘難卒用兵破也上今使諸將屯澠池要其東而異擊其西一舉取之此萬成計也禹弘不從弘遂大戰移日赤眉陽敗棄輜重走車皆載土以豆覆其上兵士饑爭取之赤眉引還擊弘弘軍潰亂異與禹合兵救之赤眉小卻異以士卒饑倦可且休禹不聽復戰大為所敗死傷者三千餘人禹得脫歸宜陽異棄馬步走上回谿阪

回谿今俗所謂回阮在今洛州永寧縣東北其谿長四里闊二丈深二丈五尺也

與麾下

數人歸營復堅壁收其散卒招集諸營保數萬人與賊

欽定四庫全書

後漢書
卷四十七

八

約期會戰使壯士變服與赤眉同伏於道側旦日赤眉

使萬人攻異前部異裁出兵以救之

裁小出兵所以示弱也賊見

執弱遂悉眾攻異異乃縱兵大戰日昃賊氣衰伏兵卒

起衣服相亂赤眉不復識別眾遂驚潰追擊大破於嶠

底降男女八萬人餘眾尚十餘萬東走宜陽降璽書勞

異曰赤眉破平士吏勞苦始雖垂翅回谿終能奮翼澠

池以鳥為喻可謂失之東隅收之桑榆

淮南子曰至於衡陽是謂隅中又前書谷

子雲曰太白出西方六十日法當參天今已過期尚在桑榆間桑榆謂晚也

方論功賞以答

大勲時赤眉雖降眾寇猶盛延岑據藍田王歆據下邳

秦武公代邾戎致之也隴西有上邳故此有下也

芳丹據新豐

續漢書芳作茅蔣震據

霸陵

霸陵文帝陵因為縣名故秦芒陽縣

張邰據長安公孫守據長陵

楊周據谷口

谷口縣名屬左馮翊故城在今醴泉縣東北

呂鮪據陳倉角閼

據汧駱蓋延據盤屋任良據鄠汝章據槐里各稱將軍

擁兵多者萬餘少者數千人轉相攻擊異且戰且行屯

軍上林苑中延岑既破赤眉自稱武安王拜置牧守欲

據關中引張邰任良共攻異異擊破之斬首千餘級諸

欽定四庫全書

後漢書
卷四十七

九

營保守附岑者皆來降歸異岑走攻析

析縣名楚之白羽邑也即今鄧

州內異遣復漢將軍鄧曄輔漢將軍于匡要擊岑大破

之降其將蘇臣等八千餘人岑遂自武關走南陽時百

姓饑餓人相食黃金一斤易豆五升道路斷隔委輸不

至軍士悉以果實為糧詔拜南陽趙匡為右扶風將兵

助異并送縑穀軍中皆稱萬歲異兵食漸盛乃稍誅擊

豪傑不從令者褒賞降附有功勞者悉遣其渠帥詣京

師散其眾歸本業威行關中唯呂鮪張邰蔣震遣使降

蜀其餘悉平明年公孫述遣將程焉將數萬人就呂鮪

出屯陳倉異與趙匡迎擊大破之焉退走漢川異追戰

於箕谷復破之還擊破呂鮪營保降者甚衆其後蜀復

數遣將間出異輒摧挫之賈逵注國語曰懷來百姓申折其鋒曰挫

理枉結出入三歲上林成都成都言歸附之多也史記曰一年成邑三年成都

異自以久在外不自安上書思慕闕廷願親帷幄帝不

許後人有章言異專制關中斬長安令威權至重百姓

歸心號為咸陽王帝使以章示異東觀記曰使者宋嵩西上因以章示異

欽定四庫全書

後漢書
卷四十七

異惶懼上書謝曰臣本諸生遭遇受命之會充備行伍

過蒙恩私位大將爵通侯通侯即微侯避武帝諱改焉受任方面以

立微功謂西方一面專以委之皆自國家謀慮愚臣無所能及臣

伏自思惟以詔勅戰攻每輒如意時以私心斷決未嘗

不有悔國家獨見之明久而益遠乃知性與天道不可

得而聞也當兵革始起擾攘之時豪傑競逐逐爭也迷惑

千數臣以遭遇託身聖明在傾危溷轂之中尚不敢過

差而況天下平定上尊下卑而臣爵位所蒙巍巍不測

乎誠冀以謹勅遂自終始見所示臣章戰慄怖懼伏念

明主知臣愚性固敢因緣自陳詔報曰將軍之於國家

義為君臣恩猶父子何嫌何疑而有懼意六年春異朝

京師引見帝謂公卿曰是我起兵時主簿也為吾披荆

棘定關中荆棘榛梗之謂以喻紛亂既罷使中黃門賜以珍寶衣服

錢帛詔曰倉卒無葦亭豆粥庠沱河麥飯厚意久不報

異稽首謝曰臣聞管仲謂桓公曰願君無忘射鉤臣無

忘檻車齊國賴之史記管仲將兵遮莒道射桓公中鉤後魯桓公管仲而送於齊齊以為相

欽定四庫全書

後漢書
卷四十七

說苑曰管仲桎梏檻車中非無媿也自裁也新序曰齊桓公與管仲飲酒酣管仲上壽曰願君無忘出奔於莒

也臣亦無忘束縛於魯也此云射鉤檻車義亦通臣今亦願國家無忘河北之

難小臣不敢忘巾車之恩謂光武獲異於巾車而赦之後數引讌見

定議圖蜀留十餘日令異妻子隨異還西夏遣諸將上

隴為隗囂所敗乃詔異軍拘邑未及至隗囂乘勝使其

將王元行巡將二萬餘人下隴因分遣巡取拘邑異即

馳兵欲先據之諸將皆曰虜兵盛而新乘勝不可與爭

宜止軍便地徐思方畧異曰虜兵臨境忸怩小利忸怩猶懼

習也謂慣習前事而復為之爾雅曰怛復也郭景純曰謂慣怛復為之也怛音反怛音逝遂欲深

入若得枸邑三輔動搖是吾憂也夫攻者不足守者有

餘孫子兵法之文今先據城以逸待勞非所以爭也潛往閉城

偃旗鼓行巡不知馳赴之異乘其不意卒擊鼓建旗而

出巡軍驚亂奔走追擊數十里大破之祭遵亦破王元

於汧於是北地諸豪長耿定等悉畔隗囂降異上書言

狀不敢自伐孔安國注尚書曰自矜曰伐諸將或欲分其功帝患之

乃下璽書曰制詔大司馬虎牙建威漢中捕虜劉歆曰案王

欽定四庫全書

後漢書
卷四十七

常傳中武威將軍虜兵猥下三輔驚恐大司馬吳漢也

當作忠武威將軍也漢中王常也捕虜馬武也武威劉尚也廣雅曰猥衆也

北地營保按兵觀望今偏城獲全虜兵挫折使耿定之

屬復念君臣之義征西功若丘山猶自以為不足孟之

反奔而殿亦何異哉孟之反魯大夫魯與齊戰魯師敗

其馬曰吾非敢後馬不進是謙而不自伐也今遣太中大夫賜征西吏士死

傷者醫藥棺殮大司馬已下親弔死問疾以崇謙讓於

是使異進軍義渠并領北地太守事義渠縣名屬北地郡青山胡

率萬餘人降異青山在北地參繫界青山中水所出也

居參繫青山中其豪帥號肥頭少卿○異又擊盧芳將

賈覽匈奴冀韃日逐王破之黃音於上郡安定皆降異

復領安定太守事九年春祭遵卒詔異守征虜將軍并

將其營及隗囂死其將王元周宗等復立囂子純猶總

兵據冀公孫述遣將趙匡等救之帝復令異行天水太

守事攻匡等且一年皆斬之東觀記曰時賜馮異璽書

購賞之賜必不令將軍負丹青失斷金諸將共攻冀不能拔欲且還休兵

欽定四庫全書

後漢書
卷四十七

異固持不動常為衆軍鋒明年夏與諸將攻落門未拔

落門聚名在冀縣有落門山病發薨于軍謚曰節侯長子彰嗣明年

帝思異功復封彰弟訴為析鄉侯十三年更封彰東綰

侯食三縣東觀記曰東綰縣名屬山陽郡左傳曰齊侯伐宋圍緡即此地也在今兗州金鄉縣永

平中徙封平鄉侯東觀記曰永平五年封彰卒子普嗣

有罪國除東觀記曰坐圖殺永初六年安帝下詔曰夫

仁不遺親義不忘勞興滅繼絕善善及子孫古之典也

論語曰興滅繼絕世公羊傳曰善善及子孫惡惡止其身昔我光武受命中興恢

弘聖緒橫被四表昭假上下昭明也假至也上下天地假音格光耀萬

世祉祚流行垂於罔極予末小子夙夜永思追惟勲烈

披圖案籍建武元功二十八將佐命虎臣識記有徵蓋

蕭曹紹封傳繼於今和帝永和四年詔紹封蕭曹之後以彰厥功也況此未遠

而或至乏祀朕甚愍之其條二十八將無嗣絕世若犯

罪奪國其子孫應當統後者分別署狀上將及景風章

叙舊德顯茲遺功焉春秋考異郵曰夏至四十五日景風至宋均注曰景風至則封有功

也於是紹封普子晨為平鄉侯明年二十八將絕國者

皆紹封焉

岑彭傳

岑彭字君然南陽棘陽人也棘音紀力反王莽時守本縣長

漢兵起攻拔棘陽彭將家屬奔前隊大夫甄阜阜怒彭

不能固守拘彭母妻令効功自補彭將賓客戰鬪甚力

及甄阜死彭被創亡歸宛與前隊貳嚴說共城守前隊大夫

貳甄阜之副也姓嚴名說東觀記云貳師嚴尤共城守計嚴尤為大司馬又非貳師與此不同漢兵攻

之數月城中糧盡人相食彭乃與說舉城降諸將欲誅

欽定四庫全書

後漢書
卷四十七

十四

之大司徒伯升曰彭郡之大吏執心堅守是其節也今

舉大事當表義士不如封之以勸其後更始乃封彭為

歸德侯歸德縣名屬北地郡令屬伯升及伯升遇害彭復為大司

馬朱鮪校尉從鮪擊王莽揚州牧李聖殺之定淮陽城

鮪薦彭為淮陽都尉更始遣立威王張卬與將軍徭偉

鎮淮陽風俗通曰東越王徭句踐之後其後徭為姓東觀記曰徭作淫偉反擊走卬彭

引兵攻偉破之遷潁川太守會春陵劉茂起兵畧下潁

川彭不得之官乃與麾下數百人從河內太守邑人韓

歆會光武徇河內歆議欲城守彭止不聽既而光武至

懷歆迫急迎降光武知其謀大怒收歆置鼓下將斬之

中將軍最尊自執旗鼓若置營則立旗以為軍門并設鼓戢人必於其下○劉放曰注中將軍案文當為中軍

將召見彭彭因進說曰今赤眉入關更始危殆權臣放

縱矯稱詔制道路阻塞四方蜂起羣雄競逐百姓無所

歸命竊聞大王平河北開王業此誠皇天祐漢士人之

福也彭幸蒙司徒公所見全濟未有報德旋被禍難永

恨於心今復遭遇願出身自效光武深接納之彭因言

欽定四庫全書

後漢書
卷四十七

十五

韓歆南陽大人

大人謂大豪右

可以為用乃贊歆也贊寬以為

鄧禹軍師更始大將軍呂植將兵屯淇園彭說降之於

是拜彭為刺姦大將軍使督察眾營續漢書曰時更始

將軍屯鄴兵橫暴為百姓所苦上先授以常所持節從

遣吳漢往收之故拜彭為刺姦將軍

平河北光武即位拜彭廷尉歸德侯如故行大將軍事

續漢書曰彭鎮河內馮異先攻洛陽朱鮪大出軍欲擊彭時天霧鮪以為彭已去令其兵皆獲泰彭乃進擊大破

與大司馬吳漢大司空王梁建義大將軍朱祐右將

軍萬脩執金吾賈復驍騎將軍劉植揚化將軍堅鐔積

射將軍侯進偏將軍馮異祭遵王霸等圍洛陽數月朱

鮪等堅守不肯下帝以彭嘗為鮪校尉令往說之鮪在

城上彭在城下相勞苦歡語如平生彭因曰彭往者得

執鞭侍從蒙薦舉拔擢常思有以報恩今赤眉已得長

安更始為三王所反解見上文皇帝受命平定燕趙盡有幽

冀之地百姓歸心賢俊雲集親率大兵來攻洛陽天下

之事逝其去矣公雖嬰城固守將何待乎嬰統也謂以城自嬰統而

守鮪曰大司徒被害時鮪與其謀與音預又諫更始無遣

蕭王北伐誠自知罪深彭還具言於帝帝曰夫建大事

者不忌小怨鮪今若降官爵可保況誅罰乎河水在此

吾不食言指河以為信言其明白也彭復往告鮪鮪從城上下索曰

必信可乘此上彭趣索欲上趣向也鮪見其誠即許降後

五日鮪將輕騎詣彭顧勅諸部將曰堅守待我我若不

還諸君徑將大兵上轅轅歸郾王更始傳尹乃面縛與

彭俱詣河陽東觀記曰詣行在所河津亭帝即解其縛召見之復令

彭夜送鮪歸城明旦悉其眾出降拜鮪為平狄將軍封

扶溝侯鮪淮陽人後為少府前書曰少府秦官秩二千石續漢書曰少府掌中服

御諸物衣服寶傳封累代建武二年使彭擊荊州下隳

葉等十餘城隳縣名屬南陽郡故城在今汝州魯山縣東南葉今許州葉縣也續漢書曰彭南擊

荊州至城安昆陽隳葉舞陽堵陽平氏棘陽胡陽處皆破其屯聚是時南方尤亂南郡

人秦豐據黎丘自稱楚黎王畧十有二縣東觀記曰豐即縣人少學

長安受律令歸為縣吏更始元年起兵攻得郾宜城若

編臨沮中沮廬襄陽鄧新野穰湖陽蔡陽兵合萬人即

音求董訢起堵鄉許郎起杏南陽復陽縣有杏聚又更始諸將各

擁兵據南陽諸城帝遣吳漢伐之漢軍所過多侵暴時

破虜將軍鄧奉謁歸新野怒吳漢掠其鄉里遂返擊破

漢軍獲其輜重屯據涑陽與諸賊合從秋彭破杏降許

邯遷征南大將軍復遣朱祐賈復及建威大將軍耿弇

漢中將軍王常○劉攽曰中當作忠武威將軍郭守越騎將軍劉

宏偏將軍劉嘉耿植等與彭并力討鄧奉先擊堵鄉而

奉將萬餘人救董訢訢奉皆南陽精兵彭等攻之連月

不剋三年夏帝自將南征至葉董訢別將將數千人遮

道車騎不可得前彭奔擊大破之帝至堵陽鄧奉夜逃

欽定四庫全書

後漢書
卷四十七

十一

歸涑陽

續漢書曰奉令候伏道旁見車騎一日不絕歸語奉奉遂夜遁

董訢降彭復與

耿弇賈復及積弩將軍傅俊騎都尉臧宮等從追鄧奉

於小長安

小長安解見光武紀

帝率諸將親戰大破之奉迫急乃

降帝憐奉舊功臣且釁起吳漢欲全宥之彭與耿弇諫

曰鄧奉背恩反逆暴師經年致賈復傷痍朱祐見獲陛

下既至不知悔善而親在行陳兵敗乃降若不誅奉無

以懲惡於是斬之奉者西華侯鄧晨之兄子也車駕引

還令彭率傅俊臧宮劉宏等三萬餘人南擊秦豐拔黃

郵黃郵聚名也在南陽新都縣

豐與其大將蔡宏拒彭等於鄧數月

不得進帝怪以讓彭彭懼於是夜勒兵馬申令軍中使

明旦西擊山都

山都縣名屬南陽郡舊南陽之赤鄉秦以為縣故城在今襄州義清縣東北

乃緩所獲虜令得逃亡歸以告豐豐即悉其軍西邀彭

彭乃潛兵度沔水擊其將張楊於阿頭山大破之

沔水源出

武都東狼谷中即漢水之從川谷間伐木開道直襲黎

丘擊破諸屯兵豐聞大驚馳歸救之彭與諸將依東山

為營豐與蔡宏夜攻彭彭豫為之備出兵逆擊之豐敗

欽定四庫全書

後漢書
卷四十七

九

走追斬蔡宏更封彭為舞陰侯秦豐相趙京舉宜城降

拜為成漢將軍與彭共圍豐於黎丘時田戎擁衆夷陵

東觀記曰田戎西平人與同郡人陳義客夷陵為羣盜更始元年義戎將兵陷夷陵陳義自稱黎丘大將軍戎

自稱掃地大將軍襄陽者舊記曰戎號周成王義稱臨江王

聞秦豐被圍懼大兵方

至欲降而妻兄辛臣諫戎曰今四方豪傑各據郡國洛

陽地如掌耳

續漢書曰辛臣為戎作地圖圖彭寵張步董憲公孫述等所得郡國云洛陽所得如

掌不如按甲以觀其變戎曰以秦王之彊猶為征南所

圍豈況吾邪降計決矣四年春戎乃留辛臣守夷陵自

將兵汧江汧止黎丘刻期日當降而幸臣於後盜戎

珍寶從間道先降於彭而以書招戎戎疑必賣已遂不

敢降東觀記曰戎至期日灼龜卜降兆中拆遂止不降而反與秦豐合彭出兵

攻戎數月大破之其大將伍公詣彭降戎亡歸夷陵帝

幸黎丘勞軍封彭吏士有功者百餘人彭攻秦豐三歲

斬首九萬餘級豐餘兵裁千人入城中食且盡帝以豐

轉弱令朱祐代彭守之使彭與傅俊南擊田戎大破之

遂拔夷陵追至秭歸秭歸縣名今歸州解見和記戎與數十騎亡入

欽定四庫全書

後漢書
卷四十七

五

蜀盡獲其妻子士眾數萬人彭以將伐蜀漢而夾川谷

少水險難漕運留威虜將軍馮駿軍江州江州縣名今渝州巴縣也

東觀記曰長沙中尉馮駿將兵詣彭璽書拜駿為威虜將軍都尉田鴻軍夷陵領軍

李玄軍夷道自引兵還屯津鄉當荊州要會津鄉縣名所謂江津也

東觀記曰津鄉當荊揚之咽喉喻告諸蠻夷降者奏封其君長初彭

與交趾牧鄧讓厚善與讓書陳國家威德東觀記曰讓夫人光烈皇后姊

又遣偏將軍屈充移檄江南班行詔命於是讓與

江夏太守侯登武陵太守王堂長沙相韓福桂陽太守

張隆零陵太守田翕蒼梧太守杜穆交趾太守錫光等

相率遣使貢獻悉封為列侯或遣子將兵助彭征伐續漢書曰張隆遣子暉將兵詣彭助征伐

上以暉為奉義侯不總遣子故言或於是江南之珍始

流通焉六年冬徵彭詣京師數召譙見厚加賞賜復南

還津鄉有詔過家上冢大長秋以朔望問太夫人起居

大長秋皇后屬官漢法列侯之母方稱太夫人也八年彭引兵從車駕破天水

與吳漢圍隗囂於西城時公孫述將李育將兵救囂守

上邽帝留蓋延耿种圍之而車駕東歸勅彭書曰兩城

欽定四庫全書

後漢書
卷四十七

五

若下便可將兵南擊蜀虜人若知足既平隴復望蜀

每一發兵頭鬚為白彭遂壅谷水灌西城城未沒大餘

東觀記曰時以縑囊盛土為堤灌西城谷水從地中數丈涌出故城不拔續漢書云以縑盛土為堤

行巡周宗將蜀救兵到囂得出還冀漢軍食盡燒輜重

引兵下隴延奔亦相隨而退囂出兵尾擊諸營彭殿為

後拒尾謂尋其後而擊之凡軍在前曰殿在後曰殿東觀記曰彭東入弘農界百姓持酒內迎軍曰蒙將軍為後拒全子

弟得生還也故諸將能全師東歸彭還津鄉九年公

孫述遣其將任滿田戎程汎將數萬人乘枋軍下江關

枋草以竹木為之浮於水上爾雅曰舫汭也郭景純曰水中簾筏也華陽國志曰巴楚相攻故置江關舊在赤甲城後移在江南岸對白帝城故基在今夔州魚復縣南枋即舫字古通用耳軍音步佳反汭音匹俱反擊

破馮駿及田鴻李玄等遂拔夷道夷陵據荆門虎牙見解

紀光武橫江水起浮橋鬪樓立櫓柱絕水道結營山上以

拒漢兵彭數攻之不利於是裝直進樓船冒突露橈數

千艘並船名樓船之上施樓橈小檣也爾雅曰檣謂之橈露橈謂露檣在外人在船中冒突取其觸冒而

唐突也橈音饒十一年春彭與吳漢及誅虜將軍劉隆輔威將

軍臧宮驍騎將軍劉歆發南陽武陵南郡兵又發桂陽

欽定四庫全書後漢書卷四十七

零陵長沙委輸棹卒凡六萬餘人棹卒持棹行船也東觀記作櫓前書鄧通

以櫓船為黃頭郎櫓音直教反騎五千匹皆會荆門吳漢以三郡棹卒

多費糧穀欲罷之彭以蜀兵盛不可遣上書言狀帝報

彭曰大司馬習用步騎不曉水戰荆門之事一由征南

公為重而已彭乃令軍中募攻浮橋先登者上賞於是

偏將軍魯奇應募而前時天風狂急彭奇船逆流而上

直衝浮橋而櫓柱鉤不得去續漢書曰時天東風其櫓柱有反把鉤奇船不得去

奇等乘執殊死戰因飛炬焚之風怒火盛橋樓崩燒彭

復悉軍順風並進所向無前蜀兵大亂溺死者數千人

斬任滿生獲程汎而田戎亡保江州彭上劉隆為南郡

太守自率臧宮劉歆長驅入江關令軍中無得虜掠所

過百姓皆奉牛酒迎勞彭見諸耆老為言大漢哀愍巴

蜀久見虜役故興師遠伐以討有罪為人除害讓不受

其牛酒百姓皆大喜悅爭開門降詔彭守益州牧所下

郡輒行太守事東觀記曰彭若出界即以太守號付後將軍選官屬守州中長史○劉攽曰注

長史案長史是王國官守彭到江州以田戎食多難卒

令皆長吏也此宜作吏欽定四庫全書後漢書卷四十七

拔留馮駿守之自引兵乘利直指墊江攻破平曲墊江縣名

屬巴郡今忠州縣也墊音徒協反平曲地關收其米數十萬石公孫述使其

將延岑呂鮪王元及其弟恢悉兵拒廣漢及資中資中縣名

屬犍為郡其地在又遣將侯丹率二萬餘人拒黃石彭

乃多張疑兵使護軍楊翕與臧宮拒延岑等自分兵浮

江下還江州泝都江而上都江也襲擊侯丹大破之因

晨夜倍道兼行二千餘里徑拔武陽武陽解見使精騎

馳廣都廣都縣名屬蜀郡故城在今益州成都縣東南去成都數十里執若風

雨所至皆奔散初述聞漢兵在平曲故遣大兵逆之及

彭至武陽繞出延岑軍後蜀地震駭述大驚以杖擊地

曰是何神也彭所營地名彭亡聞而惡之欲徙會日暮

蜀刺客詐為亡奴降夜刺殺彭彭首破荆門長驅武陽

持軍整齊秋豪無犯豪毛也秋毛喻細也高祖印穀王

任貴聞彭威信數千里遣使迎降前書音義曰任貴越

穀王立為印會彭已薨帝盡以任貴所獻賜彭妻子謚曰壯

侯蜀人憐之為立廟武陽歲時祠焉子遵嗣徙封細陽

侯細陽縣名屬汝南郡故城在今潁川汝陰縣西十三年帝思彭功復封遵弟

淮為穀陽侯穀陽縣名屬沛郡遵永平中為屯騎校尉遵卒子

伉嗣伉音口伉卒子杞嗣東觀記曰杞作起元初三年

坐事失國建光元年安帝復封杞細陽侯順帝時為光

祿勳杞卒子熙嗣尚安帝妹涅陽長公主少為侍中虎

賁中郎將朝廷多稱其能遷魏郡太守魏郡秦時置故城在今相州安

陽縣東北招聘隱逸與參政事無為而化視事二年與人歌

之曰我有枳棘岑君伐之枳棘多榛梗以喻寇盜充斥也我有蠹賊岑

君遏之蠹賊食禾稼蟲名以喻姦吏侵漁也狗吠不驚足下生羆羆長毛也犬無

追吠故足下生羆含哺鼓腹焉知凶災哺食也鼓擊也我喜我生獨丁

斯時丁猶當也美矣岑君於戲休茲於戲歎美之詞見爾雅於音烏戲音許宜反

熙卒子福嗣為黃門侍郎

賈復傳

賈復字君文南陽冠軍人也少好學習尚書事舞陰李

生李生奇之謂門人曰賈君之容貌志氣如此而勤於

學將相之器也王莽末為縣掾迎鹽河東會遇盜賊等

比十餘人皆放散其鹽復獨完以還縣縣中稱其信時

下江新市兵起復亦聚眾數百人於羽山自號將軍更

始立乃將其眾歸漢中王劉嘉以為校尉復見更始政

亂諸將放縱乃說嘉曰臣聞圖堯舜之事而不能至者

湯武是也堯禪舜舜禪禹湯乃放桀武王誅紂故言不能至者圖湯武之事而不

能至者桓文是也齊桓公小白晉文公重耳春秋之時周衰二君霸有海內圖桓文

之事而不能至者六國是也六國謂韓趙魏燕齊楚分裂中夏各自踰據人不建

桓定六國之規欲安守之而不能至者亡六國是也今

桓定六國之規欲安守之而不能至者亡六國是也今